



## كسن در قد ماكنن دان مینومن یغ حرام

30 نو فیمبر 2018 / 22 ربیع اول 1440

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ  
مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ  
فَلَا مُضِلَّ لَهُ وَمَنْ يَضِلَّ فَلَا هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ  
سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ  
عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ أَوْ صِيكُمُ وَإِيَّايَ بِتَقْوَى  
اللَّهِ، فَقَدْ فَازَ الْمُتَّقُونَ.

ماريله كيت برسام ۲ منيعتكن كتقوا عن كقد الله ﷺ  
دغن ملقساناكن سكالاً فرينته دان منيعكلكن سكالاً  
لارغنش. موده-مودهن كيت دبركتي دان درحمتي  
الله ﷺ دنيا دان اخيرة.

سیدغ جمعة یغ درحمتی اللہ ﷻ،

اللہ ﷻ ممرینتھکن کیت سوفاي مماكن ماکنن اتاو  
رزقي دري سومبر یغ حلال لاکي بائق دان برسیه.  
سباکایمان فرمانش دالم سورة المائدة ايات 88;

أَعُوذُ بِاللَّهِ مِنَ الشَّيْطَانِ الرَّجِيمِ

وَكُلُوا مِمَّا رَزَقَكُمُ اللَّهُ حَلَالًا طَيِّبًا وَاتَّقُوا اللَّهَ الَّذِي

أَنْتُمْ بِهِ مُؤْمِنُونَ ﴿٨٨﴾

یغ برمقصود: دان ماکنله ماکنن یغ حلال لاکي  
بائق دري اف یغ اللہ تله رزقیکن کفدامو، دان  
برتقواله کفد اللہ یغ کامو برایمان کفدش.

فرینته مماكن بندا یغ حلال لاکي بائق واجب  
دقاتوهي اولیه ستیاف ایندیویدو مسلم دمی منجاک  
کسوجین روحانی دان ممودهکن سساورغ ایت  
اونتوق مندافت فتونجوق سرتا ممبنتوق فریبادی مولیا  
سباکای ساورغ مسلم. فخرتین حلال دالم ایات تادی  
ایاله حلال جیسیمش دان حلال چارا ممقراولیهش.  
سداغکن فرکاتان بائق اداله دري سکی کمنفعتش،

یاءیت یغ مغاندوغي منفعة دان مصلحة باکي توبوه،  
 مغاندوغي ویتامین، فروتین دان سباکایش. ماکنن  
 یغ تیدق بائق یاءیت یغ تیدق سایمبغ کاندوغن یغ  
 دکهندقی اولیه توبوه بادن، بولیه مروسقکن کصیحتن.  
 مک الله ممرینتهکن کیت اونتوق ممان ماکنن یغ  
 بوکن هاش حلال، تتافی جوک بائق (حلالاً طیباً)  
 اکر تیدق ممبهایاکن توبوه کیت. بهکن فرینته این  
 دسرتاکن دغن برتقوی کقد الله، سباکای سبواه فرینته  
 یغ ساعت تکس دان جلس.

تیدق اد هالغن باکي اورغ مؤمن یغ ممقو اونتوق  
 منعمتی ماکنن دان مینومن یغ اینق، تتافی هاروسله  
 منطاعتی کتتوان یغ تله دتتکن شرع، یاءیت:  
 برخصیه، حلال دان تیدق برلبیهن. الله ﷻ  
 ممقرا یغکتکن کیت دالم سورة عبس ایات 24 سوقای  
 برهاتی ۲ ممیلیه ماکنن، فرمانش؛

فَلْيَنْظُرِ الْإِنْسَانُ إِلَى طَعَامِهِ ﴿٢٤﴾

یغ برمقصود: مک هندقله مانسی ایت  
 ممقراهاتیکن ماکننش.

سیدغ جمعة یغ درحمتی اللہ ﷺ،

ماکنن دان مینومن یغ حرام اداله سفرتی برایکوت،  
فرتام: جیسیمش سفرتی داکیش بابی، بگکای، داره،  
ارق، دان لاین ۲.

کدوا: ماکنن دان مینومن دقراولیھی دری جالن یغ  
دحرامکن سفرتی منچوری، مرومفق، منیقو، ربا،  
برجودی، رسواہ، تیدق امانہ سفرتی مالس دان  
چوای دالم بکرج، فونتیغ کرج، لمبت داتغ بکرج  
دان سباکایش.

سبدا رسول اللہ ﷺ دالم حدیث یغ دروایتکن اولیہ  
امام مسلم یغ برمقصود: دری ابو ہریرہ رضی اللہ عنہ برکات:  
رسول اللہ ﷺ برسبدا،

واہای مانسی، سسوغکوهن اللہ ماہا بائق  
دان ہاٹ منریما یغ بائق. دان سسوغکوهن  
اللہ تله ممریتھکن اورغ ۲ یغ برایمان اونتوق  
(ملاکوکن) فریتتہ یغ دسمفایکنش کفد قارا  
نبی. کمودین بکیندا ممباچ فرمان اللہ، واہای

رسول ۲، ماکنله دري ماکنن یغ باءیق ۲ دان  
 کرجاکنله عمالن یغ صالح. ' دان فرمانش،  
 'واهاي اورغ ۲ یغ برایمان، ماکنله دري ماکنن  
 یغ باءیق ۲ یغ تله کامي انوکرهکن کفدامو.'  
 کمودین بکیندا منچریتاکن سآورغ للاکي یغ  
 ملاکوکن فرجالن جاءوه، توبوهش دلیقوتی دبو  
 لاکي کوسوت، اي منادهکن تاغنش کلاغیت  
 سرايا بردعا، 'یا توهنکو، یا توهنکو'. اکن تتاقي  
 ماکننش حرام، مینومنش حرام، فاکاینش درقد یغ  
 حرام دان اي دبري ماکن دغن یغ حرام. مک  
 باکایمان موغکین دعاش دقبولکن.

حدیث این منونجوکن بهاوا حلال اتاو حرام دالم  
 ماکنن ممبری کسن ترهادف عباده. این کران ستیاف  
 کالي ملقساناکن عباده، کیت دتونوت سوفاي  
 سنتیاس براد دالم کاداءن سوچی دان برسیه دري  
 سکی ظاهر دان باطن. ماري کیت رنوغکن، اداکه  
 الله ﷻ منریما عباده سرتا دعا کیت سکیراا ترداقت  
 بندا اتاو عنصور ۲ حرام دالم توبوه بادن کیت؟ یغ

جلس، ماکنن اتاوا ف جوا رزقي تیدق حلال یغ  
 ماسوق کدالم ثروت کیت اکن منجادی داره داکئغ  
 دان ممبری کسن ترهادف فمبتوقن فریبادی، ماله  
 عنصور یغ حرام ایتوله جوک یغ اکن مپیکن سساورغ  
 ایت دچمفقن کدالم نراک، سباکای مان سبدا رسول  
 الله ﷺ دالم حدیث روایة الطبرانی؛

أَيُّمَا لَحْمٍ نَبَتَ مِنَ الْحَرَامِ فَالِنَّارُ أَوْلَى لَهُ

یغ برمقصود: ستیاف داکئغ یغ تومبوه درقد  
 ماکنن یغ حرام، مک ائی نراکاله یغ لایق باکئش.

سیدغ جمعة یغ درحمته الله ﷻ،

ایغته، سسوغکوهن ماکنن یغ حرام، بولیه  
 منداتئکن کسن یغ بوروق کفد فماکنش. انتاراا بولیه  
 منجاءوهکن دیری کیت درقد منطاعته الله دان کمر  
 ملاکوکن کجاهتن دان معصیه.

ستیاف سوروهن دان تکاهن دالم اسلام ممقوپایی  
 حکمهن یغ ترسندیری. اولیه ایت، قاتوهیله سکالا

فرکارا یغ دانجورکن اولیه اٹام کیت اکر بر اولیه  
 رحمة سرتا هدايه دري الله ﷻ . فرمان الله ﷻ دالم  
 سورة البقرة آيات 172؛

أَعُوذُ بِاللَّهِ مِنَ الشَّيْطَانِ الرَّجِيمِ

يَأْتِيهَا الَّذِينَ ءَامَنُوا كُلُوا مِنْ طَيِّبَاتِ مَا رَزَقْنَاكُمْ  
 وَأَشْكُرُوا لِلَّهِ إِنْ كُنْتُمْ إِيَّاهُ تَعْبُدُونَ ﴿١٧٢﴾

یغ بر مقصود: واهای اورغ یغ بر ایمان، ماکنله  
 انتارا رزقی یغ باءیق ۲ یغ کامی بریکن کفدامو  
 دان برشکورله کفد الله، جک بنر ۲ کفدش کامو  
 میمبه.

بَارَكَ اللَّهُ لِي وَلَكُمْ فِي الْقُرْءَانِ الْعَظِيمِ، وَنَفَعَنِي وَإِيَّاكُمْ  
 بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ  
 تِلَاوَتَهُ إِنَّهُ هُوَ السَّمِيعُ الْعَلِيمُ،

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ  
 الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،  
 فَاسْتَغْفِرُوهُ فَيَا فَوْزَ الْمُسْتَغْفِرِينَ وَيَا نَجَاةَ التَّائِبِينَ.